

Regija ▸ BiH ▸ Ogorčeni bh. radnici iz Hrvatske za CH: "Prevarili su nas vlasnici San..."

Regija **BiH**

OGORČENI BH. RADNICI IZ HRVATSKE ZA CH: "PREVARILI SU NAS VLASNICI SAN GRADNJE, GAZDE MANDIĆ"

20/12/2020 14:08



Radnici iz Bosne i Hercegovine koji su bili na privremenom radu u Hrvatskoj ispričali su šokantne priče o neljudskom smještaju, premlaćivanjima onih koji su se pobunili, i neisplaćivanju plaća.

Iako je dobro poznato kakvi uvjeti vladaju i kakve opasnosti vrebaju, radnici iz BiH prisiljeni su tražiti posao u zemljama poput Hrvatske, ili drugih zemalja. Tačan broj onih koji su trbuhom za kruhom krenuli u svijet nije poznat.

Mersudin Švraka iz Donjeg Vakufa, ispričao je za [Crunu-Hroniku](#), šta mu se sve izdešavalo za samo mjesec dana rada u građevinskoj firmi "San gradnja" iz Medulina pored Pule (Hrvatska).

Prevareni i izmaltretirani radnici ogorčeni su ponašanjem vlasnika Mišela i Pere Mandić.

Užas koji neće nikada zaboraviti

“Tu sam radio mjesec dana, i za taj mjesec dana prošao sam, sve što nisam prošao za svojih 29 godina života. Tu diktaturu i robovlasništvo, tih ljudi ne može se opisati, samo se može doživjeti. Nakon toga, dao sam otkaz i potražio sam novac koji sam pošteno zaradio u toj firmi. Da bi taj, dan kad smo došli po novac, taj isti vlasnik firme fizički nasrnuo na mog prijatelja iz Ukrajine.” – ispričao je za CH Muamer Švraka.

Psihičko i tjelesno maltretiranje

“Dobar dan, ja dolazim iz Ukrajine. Radio sam u firmi “San Gradnja” ali sam uvidjeo da firma nije dobra. Kada sam došao kod gazde firme, nakon što sam dao otkaz, tražio sam svoje pare, a on me je napao fizički. Nisam htio raditi s njim nikakav komflikt, želio sam samo svoje pare koje nisam dobio, a želio sam doći kući. Ukrajina nije blizu tako kao Bosna. Ja do svoje kuće imam 3.000 kilometara. I ne znam šta sad trebam da radim. Kao rekao mi je da ću dobiti pare 15. januara. Nemam 100% osiguranje da će me isplatiti. Ne mogu ništa više reći, samo da ta firma nije dobra. Ne interesuje ih tvoj problem” – izjavio je ogorčeni radnik Alex Kaliničenko iz Ukrajine za portal [Crna-Hronika](#).

Za kraj bih poručio svim državljanima Bosne i Hercegovine da u širokom luku izbjegavaju građevinsku firmu “San Gradnja” – dodao je Muamer Švraka za [Crnu-Hroniku](#).



Građevinska tvrtka SAN GRADNJA d.o.o. osnovana je 2012. godine sa sjedištem u Medulinu. Nude kompletnu paletu građevinskih radova novogradnja, adaptacija postojećih objekata, uređenje interijera i eksterijera, završne radove i zemljane radove koje obavljaju radnici iz Hrvatske, Bosne i Hercegovine i drugih država regiona.